

هاي الشعائر قائمه / ياولي الله
تحيتها أمك فاطمه / ياولي الله
وخدمتك بين الزجيه نفتخر بيها

**

فاطمه بهاي المجالس
كل سنه تقيم العزه
أسود أنلبس الشوارع
والمواكب منجزه
شيعتك يوم القيامة
بهذا دربك فائزه
انت نور الله عليه كاعه
وأنت كلك معجزه
ويانه أمك حاضره / ياولي الله
بخدمه حسين ومنبره / ياولي الله
والخدامه الزينبيه نفتخر بيها

*

أحنه شيعه ونبقه شيعه
ونبدي لحسين الولاء
نمشي بدروب الخدامه
وماتهمنه الأدعياء
كل سنه نجدد عهدنه
ونكتب حروف الوفاء
نسمع الزهره تنادي
بتربة حسين الشفاء
هذا الوباء أنذله / ياولي الله

بتربة حسين وكربله / ياولي الله
ودولتك صارت هويه نفتخر بيها

*

وي محرم جرحي ينزف
من أثر جرح الطفوف
ياحسين وما نعوفك
لو تگطعنه السيوف
مثل سرب الگطه بگبرك
سيدي نحوم ونطوف
مثلك بهاي الوسيعة
ماكو بالعالم نشوف
عهد الولاء نقدمه / ياولي الله
حبك يسير أوي الدمه / ياولي الله
للمجد أسمك قضيه نفتخر بيها

*

أحنه دولتنه الشعائر
واحنه خدام السلام
نبعث الگبرك عهدنه
حتى لو وي الحمام
وشكبر حظه اليسلم
عالإمام ابن الإمام
عيونه الماتبجي لجالك
أبد ماتغفه وتنام
ليل ونهار نعاهدك / ياولي الله
نمشي ونطوف بمرقدك / ياولي الله

ونهضة الحره السبيه نفتخر بيها

*

ياترف مثل الفراشه

يا جبل مثل الرسول

ياحسين وياهو مثلك

وأملك الزهره البتول

نور البوجهك نشوفه

من علي فحل الفحول

أنت ثلث انوار بيك

الحيث كل العقول

نورك الباري مصوره / ياولي الله

فاطمه وطه وحيدره / ياولي الله

حروفك اليوم المنيه نفتخر بيها

*

ياسلام الله عله جرحك

صاحب الشيب الخضيب

جرحك اليوم القيامه

باقي ينزف مايطيب

ياحسين بها العوالم

أمر ك أنشوفه عجيب

حتى أطفالك مصيبه

شيبت كبل المشيب

أنت الوحيد بغربته / ياولي الله

أسس مبادئ دولته / ياولي الله

ودولة العز والحميه نفتخر بيها